

## ROBERTS, JOHN ('Sion Robert Lewis'; 1731 - 1806), awdur, almanaciwr, ac emynydd

**Enw:** John Roberts

**Ffugenw:** Sion Robert Lewis

**Dyddiad geni:** 1731

**Dyddiad marw:** 1806

**Priod:** Margaret Roberts (née Jones)

**Plentyn:** Robert Roberts

**Rhiant:** Robert Lewis

**Rhyw:** Gwryw

**Galwedigaeth:** awdur, almanaciwr, ac emynydd

**Maes gweithgaredd:** Crefydd; Hanes a Diwylliant; Llenyddiaeth ac Ysgrifennu; Barddoniaeth; Ysgolheictod ac leithoedd; Gwyddoniaeth a Mathemateg

**Awdur:** Thomas Isfryn Jones

Ganwyd yn 1731 yn Llanaelhaearn, Sir Gaernarfon. Yr oedd yn fab i ffarmwr, Robert Lewis, ac yn ystod ei ieuenctid arferai fugeilio'r defaid i'w dad. Cafodd dröedigaeth wrth wrando ar [Howel Harris](#) yn pregethu yn y gymdogaeth a dechreuodd bregethu gyda'r Methodistiaid Calфинаidd.

Ymsefydlodd yng Nghaergybi tua 1760, pryd y cafodd drwydded oddi wrth esgob Bangor i agor ysgol. Gwyswyd ef o flaen llys Esgob Bangor yn Awst 1765 oherwydd iddo gadw ysgol yn Llaniestyn heb drwydded.

Ysgrifennodd lawer o lyfrau ar bynciau gwahanol. Ymhlith ei lyfrau cyhoeddedig ceir *Rhai Hymnau*, 1760, a ysgrifennwyd gyda chymorth Richard Jones; *Yr Anedigaeth Newydd* 1762, cyfieithiad o lyfryn Saesneg *The New Birth; Drych y Cristion*, 1766, sef ail-argraffiad *Carwr y Cymru* cyhoeddedig gan [T. Gouge](#) ac [S. Hughes](#), 1677; *Hymnau a Chaniadau*, 1764; *Rhyfydddeg neu Arithmetig*, 1768, y llyfr rhifydddeg cyntaf yn Gymraeg; *Geirlyfr Ysgrythurol*, 1773, y geiriadur ysgrythurol Cymraeg cyntaf; *Caniadau Preswylwyr y Llŵch*, 1778; *Yr Athrofa Rad*, 1788. Yr oedd y llyfrau a gyhoeddwyd ac a ysgrifennwyd gan Roberts yn werthfawr ond y mae'r awdur yn fwyaf adnabyddus am ei '*Almanaciau*.' Dechreuodd gyhoeddi y rhai hyn tua 1761 a pharhaodd i'w cyhoeddi am 44 blynedd. Ar ôl ei farwolaeth cyhoeddwyd hwy hyd 1837 gan ei fab [Robert Roberts](#).

Yn 1766 priododd Margaret Jones, Bodedern, sir Fôn, a ganed iddynt chwech o blant. Bu farw 19 Medi 1806.

### Awdur

Thomas Isfryn Jones

### Ffynonellau

T. R. Roberts, *Eminent Welshmen: a short biographical dictionary of Welshmen... from the earliest times to the present* (1908)

*Y Traethodydd*, 1856

*Enwogion y Ffydd* (1880), iv

*Revue Celtique* (1870–1934), i

W. Rowlands, *Llyfryddiaeth y Cymry*

Josiah Thomas Jones, [Geiriadur Bywgraffyddol o Enwogion Cymru \(Aberdâr 1867-70\)](#), ii, 165-6

*Catalogue of Printed Literature in the Welsh Department, Cardiff Free Libraries* (1898)

### Dolenni Ychwanegol

Wikidata: [Q28026597](#)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC-RUU/1.0/> 

gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

